

M344: Augsburger Urkunden

- 1,1 ich Heinrîch von Stoufen / tuon kunt allen den die disen brieve lesent
hoerent oder sehent / daz hêrr Marcwart von Lougingen gekoufet
1,2 hât umbe mich sôgetân manlêhen als ich hête an eineme zehenden ze
Altheim der mîn lêhen was von dem abbete von Ëlwangen
1,3 unde den der hêrr Hartman der Baer von Lougingen von mir hête ze rehtem
lêhene / unde hân ich daz selbe lêhen ûf gesant mînem
1,4 hêrrn von Ëlwangen unde hân daz getân bî hêrrn Degenharte unde bî
hêrrn Sîboten von Gundolvingen / mit sôgetâner bescheidenheit /
1,5 kumet ez dâr zuo daz hêrr Marcwart des bedürfen wile / daz er daz vore
genante lêhen von mînem hêrrn dem abbete von Ëlwangen entvâhen
1,6 wile / sô sol ich mit im dâ hin rîten unde sol ez im ûf geben unde allez daz
tuon des er dâr zuo bedarf . unde sol er mich beleiten
1,7 dâ hin unde her wider / unde sol mir die koste geben . unde anders sol er
mir keinen schaden abe tuon . unde sol ouch des selben lêhenes
1,8 sîn rehter gewer sîn . unde swâ ez im anespræche wûrde in den zilen als ich
ez im stæten sol nâch des landes rehte / sô sol ich ez im entloesen
1,9 âne allen sînen schaden . unde daz ez im alsô stæte belîbe unde
unzerbrochen / dâr umbe hân ich im gegeben disen brieve versigelt
1,10 unde gevestenet mit hêrrn Heinrîches insigel von Stoufen mînes bruoderes
der kôrhêrr ze Augsburc ist / wan ich selbe niht eigenes
1,11 insigels hête . unde sint dâr über geziuge hêrr Heinrîch mîn bruoder
kôrhêrr von Augsburc / hêrr Uolrîch mîn bruoder von sancte Uolrîche
.
1,12 ze Augsburc . hêrr Hartman der Langemantel . Kuonrât sîn bruoder /
Kuonrât der statschrîbær unde ander genuoge . dô daz geschach
1,13 und ouch dirre brieve gegeben wart dô was von gotes gebûrte tûsent jâr /
zwei hundert jâr / in dem ahtzigesten jâre /
1,14 an dem sameztage vore sancte Jakobs tage
- 2,1 – – – âmên ich Degenhart von Gundolvingen unde Sîbôt mîn bruoder wir
tuon kunt allen den die disen brieve lesent
2,2 hoerent oder sehent sôgetân lêhen unde hêrr Marcwart von Lougingen
hêrrn Volcwines tohterman hête an den zehenden
2,3 ze Altheim von hêrrn Heinrîche von Stoufen / daz sîn lêhen was von dem
abbete von Ëlwangen / daz er daz selbe lêhen
2,4 bî uns ûf gesant hât unserm hêrrn dem abbete / der hât uns daz selbe lêhen
gelihen ze rehtem lêhene / unde haben wir

- 2,5 danne hêrrn Marcwarte der dâ vore genant ist / unde hêrrn Hartmanne
dem Langenmantel / unde sînen brüedern Heinrîche
2,6 unde Kuonrâte daz selbe lêhen gelihen ze rehtem lêhene mit einer lêhenes
hant . unde sulen dâ mit tuon allez
2,7 daz / des er uns ermanet / daz im nütze unde guot ist / ez sî iezuo oder her
nâch . unde haben im dâr umbe gegeben
2,8 disen brieve beidiu im und den Langenmenteln / versigelt unde gevestenet
mit unsers vateres insigel / wande wir
2,9 selbe ie niht eigener insigel haben . unde sint des geziuge hêrr Heinrîch der
alte von Lougingen . Berhtolt Münichlîn .
2,10 Heinrîch der rihtær . Uolrîch der Bopfinger . Marcwart der Gienger unde
ander genuoge . dô daz geschach unde ouch dirre brieve
2,11 gegeben wart / dô was von gotes gebürte tûsent jâr / zwei hundert jâr / in
dem ahtzigesten jâre in der wochen
2,12 vore sancte Jakobes tage
- 3,1 – – âmên . ich Meinhart von Bôzen burgær von Augsburch tuon kunt allen
den die disen brieve lesent hoerent oder sehent / daz ich mînen
3,2 brôttisch an dem Baerleiche / den hêrr Heinrîch Wîcman von mir hât /
gegeben hân durch mîner sêle willen / unde durch Jakobes sêle willen
3,3 unde sîner muoter hin ze sancte Margarêten ze rehtem eigene / mit
sôgetâner bescheidenheit / daz ich unde mîn tochter Gêrtrût den selben
brôttisch
3,4 haben sulen / die wîle unser iewederz lebet . unde swenne wir beidiu en sîn
sô sol der brôttisch daz klôster ze sancte Margarêten ane
3,5 vallen mit der bescheidenheit / daz si in niemer âne sulen werden durch
keiner slahte nôt / wan daz er in dienen sol alle sunnentage ûf iren
3,6 tisch swaz er danne gelten mac / oder swaz er giltet . tæten si dâr über kein
enderunge dâr mit / swenne des daz spitâle innen würde oder
3,7 mîn erben / sô sol der brôttisch des spitâls sîn / unde sol dienen in die
siechstuben / in allem dem rehte als in in geschaffet unde gegeben
3,8 hânt . unde sol ouch man alliu jâr an sancte Pêters tage vûnvzehen
pfenninge dâr von geben ûf den Baerleich . unde sol ouch ich / unde mîn
3,9 tochter Gêrtrût den vrouwen von sancte Margarêten geben alliu jâr einen
metzen semelmelwes / ze nutze und ze gewer unde ze rehter zinses gewer .
3,10 und daz den vrouwen von sancte Margarêten daz alsô stæte belîbe unde
unzerbrochen dâr umbe hân ich in gegeben disen brieve / versigelt
3,11 unde gevestenet mit der stat insigel ze Augsburch unde mit der vrouwen
insigel von sancte Margarêten diu beidiu dâr an hangent .
3,12 dâr über sint geziuge hêrr Wolvhart von Rôt . hêrr Marcwart von Bêrigen
kôrhêrrn von Augsburch . meister Kuonrât des bischoves schrîbær .
3,13 hêrr Volcwin der alte . hêrr Sîbôt der Stolzehirz . hêrr Kuonrât der Untalær
. hêrr Otte der Hurloher . Berhtolt der Hurloher . der junge Volcwin .
Kuonrât der
3,14 statschrîbær . unde ander genuoge . dô daz geschach unde ouch dirre brieve
gegeben wart / dô was von gotes gebürte / tûsent jâr / zwei
3,15 hundert jâr / in dem anderm unde ahtzigesten jâre / an unser vrouwen tage
ze der lichtmesse

- 4,1 in nomine domini âmen . ich Herman der Raeme unde mîn wirtinne
vrouwe Hedewîc wir tuon kunt allen den disen brief lesent hoerent
4,2 oder sehent / daz wir durch unser beider sêle willen haben gegeben dem
spitâle des heiligen geistes ze Augsburc / unser eigen dâ wir
4,3 inne sîn . daz . eteswenne was hêrrn Uolrîches boumgarte des Hertscheiden
ze rehtem eigene hûs unde hovestat / unde boumgarten / mit alliu
4,4 diu und dâr zuo hoeret ane daz hovestatelîn daz eteswenne was des heiligen
kriuzes den haben wir daz wider gegeben unde haben daz getân
4,5 mit verdâhtem muote unde mit guotem willen ze den zîten dô wir ez wole
getuon mohten mit sôgetâner bescheidenheit . swenne wir
4,6 beidiu en sîn sô sol daz eigen daz spitâle lediclichen ane vallen . unde sol
daz spitâl danne von dem selben eigene geben den siechen
4,7 in die siechstuben alliu jâr zwei pfunt pfenninge . unde sulen in die geben
ze vier zîten in dem jâre . alle quatember ein halp pfunt .
4,8 unde swaz daz eigen mêr giltet danne diu zwei pfunt / daz sol des spitâls
sîn . unde al die wîle und daz daz eigen in unserre gewalt
4,9 ist / al die wîle sulen wir dem spitâle geben alliu jâr einen vierdunc wahses
an unserre vrouwen tage der lichtmesse / ze
4,10 nutze unde ze gewer unde ze rehter zinses gewer . unde daz dem spitâle des
heiligen geistes / daz alsô stæte belîbe unde unzerbrochen
4,11 dâr umbe haben wir im gegeben disen brief versigelt unde gevestenet mit
der stat insigel ze Augsburc daz dâr an hanget .
4,12 unde sint dâr über geziuge hêrr Volcwin der alte . hêrr Sîbôt der Stolzehirz
. hêrr Liutbalt der alte schrôtær . hêrr Heinrich der Minnær . hêrr
4,13 Berhtolt von sancte Stephan . Kuonrât der statschrîbær . Uolrîch der
krâmær . meister Uolrîch der weibell unde ander genuoge . dô daz geschach
4,14 unde ouch dirre brief gegeben wart / dô was von gotes gebûrte tûsent jâr
zwei hundert jâr / in dem andern unde ahtzigsten
4,15 jâre / in der nâhesten wochen nâch sancte Jakobs tage .
- 5,1 – – – âmen . wir Hartman von gotes genâden bischof von Augsburc tuon
kunt allen den die disen brief lesent hoerent
5,2 oder sehent sôgetân klage unde unser lieben burgær von Augsburc und die
state gemeinlichen und ouch daz lant hête hin ze Hermanne unserm
5,3 brüggeheien ze Wertachbrügge daz er unrechten zol neme daz wir dâr zuo
gâben mit unsers kapitels râte hêrrn Sîvriden von Algeshûsen .
5,4 hêrrn Wolvharten von Rôte unde hêrrn Marcwart von Berien den
schulmeister unde sâzen die nider zuo den burgærn die von dem râte
5,5 dâr zuo gegeben wurden daz was hêrr Volcwin der alte . hêrr Heinrich der
Schôngouwær . hêrr Kuonrât Reinbôt unde hêrr Kuonrât Nôtnagel unde
5,6 kômen die übereine daz si der brügge schriben den zol der von alter her reht
wære unde dâr nâch mit gemeineme râte des kapitels unde der
5,7 burgær nâmen si dâr zuo bruoder Eberharten den brüggeheien unde mit
des râte wan ez im von alter her kunt was wart dirre brief gemacht
5,8 unde geschriben als her nâch geschriben stât ein lastwagen mit rûhen
hiuten der treit zweinzic und driu hundert hiute oder mêr der

- 5,9 gît ze zolle sechzehen pfenninge ist aber minner dâr ûfe danne ein last sô
gît man ie von dem hunderte vûnf pfenninge ist aber ir vûnvzic
- 5,10 dâ gît man drî pfenninge von . swaz aber ir minner ist danne ein halp
hundert dâ gît man zwêne pfenninge von unze an ein vierteil . minner
- 5,11 danne ein vierteil gît einen pfenninc . ist aber niuwan ein einigiu hût dâ
diu gît einen helbelinc . ein karre mit rûhen hiuten daz selbe als ez
- 5,12 geziuhet mit rechter reitunge . von iegelîcher gelederten hiute einen
helbelinc die man in soumes wîse niht en vûeret . von eineme iegelîchen
soume truckenes
- 5,13 oder nazzes ûf rossen ûf wagenen oder ûf karren einen helbelinc . ez sî
kurdewân oder ander guot . vûeret aber ein man bereitschaft in sîneme
guote
- 5,14 der gît niht dâ von man sage ez dem zolnær oder niht . swaz wahses ist daz
man bî dem soume niht ûf gedinget hât von der wâge einen pfenninc .
- 5,15 von unslite unde von smerwe daz man bî dem soume niht ûf gedinget hât
von iegelîcher wâge einen helbelinc . swaz man honiges
- 5,16 in soumes wîse her in vûeret dâ gît man von dem soume einen helbelinc .
ein wagen mit honige zwêne pfenninge . ein karre mit honige einen
- 5,17 pfenninc . ist aber niht wan ein einber dâ der gît einen helbelinc . swaz ein
man lînwâte treit der über vûnvzic ellen ist der gît dâ von einen
- 5,18 helbelinc . minner gît niht . ein wagen mit lînwâte zwêne pfenninge . ein
karre mit lînwâte einen pfenninc er trage lützel oder vile .
- 5,19 treit ein geladen karre lînwât wolle . garn . vlachs . hüener . kæse . oder eier
/ oder mit swiu er geladen ist âne hiute unde âne salz unde
- 5,20 âne wîn der gît einen pfenninc . ist ez aber ein wagen der gît zwêne
pfenninge . von zweinzic ellen grâwes tuoches die ein man treit
- 5,21 ûf sîneme rügge . oder swaz er ûf sîneme rügge treit der gît dâ von einen
helbelinc . minner danne zweinzic ellen gît niht . treit ein
- 5,22 wagen oder ein karre einvaltige loden der gît ietweder lode einen helbelinc
 . treit ein wagen îsen unde loden der gît zwêne pfenninge . ein karre
- 5,23 der îsen unde loden treit einen pfenninc . ein wagen mit kupfer unde swaz
mêr dâ bî lît vier pfenninge . ein karre mit kupfer unde
- 5,24 swaz dâ bî lît zwêne pfenninge . zin unde blî daz selbe . ein wagen der zwei
vuoder wînes treit zwêne pfenninge . treit er minner einen pfenninc .
- 5,25 lît aber ander guot bî dem wîne . sô gît der wîn einen pfenninc unde der
soun einen helbelinc . ein karre wînes mit drîn rossen oder
- 5,26 mit zwein einen pfenninc . mit eineme rosse einen helbelinc . von mete
unde von biere daz selbe . ein wagen mit heringe zwêne pfenninge .
- 5,27 ein karre mit heringe einen pfenninc . ist aber niuwan ein meise dâ diu gît
einen helbelinc . ein wagen mit korne einen pfenninc .
- 5,28 der karre einen helbelinc . ein wagen mit hōuwe einen pfenninc . der karre
einen helbelinc . ein vuoder kornes in den garben einen pfenninc .
- 5,29 der karre einen helbelinc . ein wagen mit schouben einen pfenninc . der
karre einen helbelinc . ein wagen mit strōwe einen helbelinc .
- 5,30 der karre einen helbelinc . ein bette der daz treit einen helbelinc . treit aber
ein armez mennische ûf sîneme rügge einen bolster oder küssen

- 5,31 daz gît niht dâ von . ein wagen der ein bette treit oder zwei dâ korn oder
höuwe . oder strô ûfe lît der gît doch von dem wagene niuwan einen
pfenninc .
- 5,32 der karre einen helbelinc . ein vuoder holzes daz veile ist eine stangen .
mîne hêrren von dem kore und die burgær die holz her in vüerent
- 5,33 mit ire eigenen wagenen die gebent niht dâ von . ein vuoder reife einen
helbelinc . swaz ein wagen holzes treit daz geviert ist ir sî einez oder
- 5,34 mêt dâ gît man von einen pfenninc . swer zimberholz hin ûz vüeret ez sîn
vlecken oder boume / der gît von dem wagene einen pfenninc .
- 5,35 . von dem backen karren mit gewande zwêne pfenninge . daz ros daz rint /
der ohse / der esel / der iegelichez einen helbelinc . ein gemastez
- 5,36 swîn einen helbelinc . zwei mitteriu swîn einen helbelinc . vier kleiniu einen
helbelinc . trîbet aber ein man niuwan ein einigez / der gît
- 5,37 ouch einen helbelinc . von zehen alten schâfen einen pfenninc . von
zweinzic lemben einen pfenninc . ein wagen mit lemben einen
- 5,38 pfenninc . ein karre einen helbelinc ein iegelich bache einen helbelinc nâch
genâden . ein wagen mit rindes buchen einen pfenninc . der
- 5,39 karre einen helbelinc . ist aber niuwan ein rindes buch dâ der gît einen
helbelinc . ein wagen mit kelbern einen pfenninc . der karre einen
- 5,40 helbelinc . ein vuoder salzes einen helbelinc . drî schîben einen helbelinc .
ein mülestein er sî geworht oder ungeworht einen pfenninc . swie
- 5,41 maniger leie dinc ein man treit uf sîneme rügge der gît von dem allen
niuwan einen helbelinc . daz ref mit glase oder mit köpfen
- 5,42 einen helbelinc . der karre einen helbelinc . der wagen mit ziegel oder mit
mûrsteinen oder mit kalke den man verkoufen wile einen
- 5,43 pfenninc . wile aber mîner hêrren von dem kore einer bûwen / oder ein
dienstman oder ein burgær swaz der her in vüeret dachziegel . santsteine
/
- 5,44 oder swaz ze sînem bûwe hoeret der sol dâ von niht geben . swelich vüerer
über die brügge vüeret veilen sant oder steine der
- 5,45 sol geben von zweinzic vuodern einen pfenninc . swâ aber ein man nimet
sant oder vüllestene / der sîne brügge niht vert / der ist im nihtes
- 5,46 schuldic . swaz mîne hêrren von dem kore oder die burgær die ire jârzol
gebent vihes uf die weide lânt / die gebent dâ von nihtesniht .
- 5,47 die aber ire jârzol niht gebent die gebent dâ von als dâ vore geschriben stât
. ein vuoder kôl einen pfenninc . der karre einen helbelinc .
- 5,48 ein vuoder loubes einen pfenninc . ein vuoder latten einen pfenninc . ein
vuoder stecken einen pfenninc . ein karre der iegelichez einen helbelinc .
- 5,49 ein vuoder obezes einen pfenninc . der karre einen helbelinc . ein ref
mit karten oder mit hopfen einen helbelinc . ein wagen mit niuwen
kumpostbotechen
- 5,50 unde swaz dâ bî lît âne hiute unde âne söume einen pfenninc . ist aber
niuwan ein botechen dâ / daz gît einen helbelinc . ein karre
- 5,51 mit niuwen kumpostbotechen einen helbelinc . ein vuoder seile einen
pfenninc . der karre einen helbelinc . ein wagen mit krûte einen pfenninc .
- 5,52 der karre einen helbelinc . ein wagen mit lôwe einen pfenninc . der karre
einen helbelinc . ein vuoder wannen einen pfenninc . der

- 5,53 karre einen helbelinc . ein niuwiu kiste einen helbelinc . treit aber ein
wagen mêr kisten danne eine der gît einen pfenninc . der karre einen
5,54 helbelinc . von hundert schâfvellen si sîn geworht oder ungeworht die man
in soumes wîse niht en vüeret zwêne pfenninge . minner danne ein hundert
5,55 einen pfenninc . von hundert kalpvellen si sîn geworht oder ungeworht
einen pfenninc . minner einen helbelinc . ein wagen mit kæseboren
5,56 einen pfenninc . der karre einen helbelinc . von lampvellen swaz ûf einen
soun geziuhet . einen helbelinc . minner einen helbelinc . ein wagen
5,57 mit groben breteren einen pfenninc . der karre einen helbelinc . ein wagen
mit hevenen oder mit kacheln einen pfenninc . der karre einen
5,58 helbelinc . ein wagen mit trôgen oder mit slegeln oder mit hakbretern einen
pfenninc . der karre einen helbelinc . swer mit überlasten
5,59 an die brügge vert âne vrâge nimet der schaden / der schade ist sîn . vrâget
aber er den brüggeheien unde heizet er in varn / missegât im danne / den
5,60 schaden sol er im abe tuon . ze eineme rechten laste sol diu brügge alle wege
bereit sîn . swaz man her in vloehenet von betten von kisten von gewande
5,61 von vihe . dâ en sol man keinen zol von geben weder ûz noch in . swaz ein
man her in vüeret daz ze einem mâle verzollet unde unverwendet
5,62 ist / daz sol er niht mêr verzollen . ob er ez wider ûz vüeret . vüeret aber
ein burgær sîn guot ûz der stat ûf einen market unde verzollet daz ze der
brügge
5,63 vüeret er daz unverkoufet her wider in . sô sol er keinen zol dâr von geben
. swaz man vihes hin ûz lât ûf die weide daz man hin ûz zollet / daz sol
5,64 man her wider in niht zollen . von vier zîtic bocken einen pfenninc . minner
einen pfenninc . ist aber ir niuwan einer der gît einen helbelinc ..
5,65 sehs geize einen pfenninc . drî einen helbelinc . minner einen helbelinc .
ein wagen mit krâmgewande der ûf einen jârmarket vert zwêne
5,66 pfenninge . ein karre einen pfenninc . ein wagen mit vischen einen pfenninc
. der karre einen helbelinc . ez en sol ouch kein snitær von
5,67 keineme sîneme lône daz er dâ ûze verdient hât keinen zol geben ez lige ûf
wagenen oder ûf karren oder er trage ez ûf sîneme rügge . swaz ein
5,68 armez mennische treit ûf sîneme rügge / ez sî korn . mel . oder klîwe . daz
gît niht dâ von . ein iegelich burgær von sînem walhischen koufschatze der
5,69 ein koufman ist / der sol geben von sînem walhischen koufschatze unde
swaz er dâr umbe her wider bringet / ein halp pfunt pfeffers ze jârzolle .
5,70 gât aber er mit anderm koufschatze umbe / swie maniger hande dinc daz
ist der sol zollen als dâr vore geschriben stât . ist aber ein ander burgær
5,71 der gein Venedie niht vert unde gein Vrancriche vert der korngülte hât unde
daz her in vüeret / unde höuwe / oder swaz er her in vüeret / der sol
5,72 ouch geben ein halp pfunt pfeffers ze jârzolle . unde der kôrhêrre zwô gense
. unde der vleischheckel zwei bein . unde sulen dâ mit ledic sîn . ez
5,73 sol ouch der brüggeheie machen brügge unde stege über die Wertach unde
über den Höttenbach über unde über . vervüeret aber ieman dem
5,74 brüggeheien sînen zol swâ er ûf daz guot kumet dâ ist daz guot sîn nâch
genâden . unde sol er im den zol geben den er im gegeben solte hân .
5,75 unde daz der zol als dâ vore geschriben stât hinnenvüre alsô stâte belîbe
wan er mit des kapitels râte unde / ouch mit der burgær râte gesetzt

- 5,76 ist als von alter her reht ist gewesen unde ouch kein irresal werde
hinnenvüre an dem selben zolle / noch kein zwîvel unde ouch weder
Herman
- 5,77 der brüggeheie noch kein sîn nâchkome hinnenvüre keinen zol neme wan
als dâ vore geschriben stât / dâr umbe haben wir bischov
- 5,78 Hartman mit unsers kapitels râte disen brieve über die brügge heizen
geschriben / versigelt unde gevestenet mit unserm insigel unde
- 5,79 mit unsers kapitels insigel . unde mit der stat insigel ze Augsburc diu alliu
dâr an hanget . unde setzen ouch daz . swelich brüggeheie
- 5,80 daz brichet daz er niht en nimet den zol dâ vore geschriben stât / daz uns
der schuldic ist ze buoze eines pfundes Augsburgær pfenninge .
- 5,81 als dicke sô er ez brichet . dô dirre brief gegeben wart / dô was von gotes
gebürte tûsent jâr / zwei hundert jâr / in dem andern unde
- 5,82 ahtzigesten jâre / in dem mânôde Juliô . in der nâhesten wochen nâch
sancte Jakobes tage .
- 6,1 – – âmên wir Hartman von gotes genâden bischov von Augsburc tuon
kunt allen den die disen brieve lesent hoerent oder
- 6,2 sehent sôgetân klage unde unser lieben burgær von Augsburc unde die
stat gemeinlichen unde ouch daz lant hête hin ze Hermanne unserm
brüggeheien
- 6,3 ze Wertachbrügge daz er unrechten zol nâme daz wir dâr zuo gâben mit
unsers kapitels râte hêrrn Sîvriden von Algeshûsen hêrrn Wolvharten
- 6,4 von Rôte unde hêrrn Marcwart von Berien den schuolmeister . unde sâzen
die nider zuo den burgærn die von dem râte dâr zuo gegeben wurden
- 6,5 daz was hêrr Volcwin der alte . hêrr Heinrîch der Schôngouwær hêrr
Kuonrât Reinbôt . unde hêrr Kuonrât Nôtnagel . unde kômen die übereine
daz
- 6,6 si der brügge schriben den zol der von alter her reht wære unde dâr nâch
mit gemeineme râte des kapitels unde der burgær nâmen si dâr zuo bruoder
- 6,7 Êberharten den brüggeheien unde mit des râte wan ez im von alter her wole
kunt was wart dirre brieve gemachet unde geschriben als her nâch
- 6,8 geschriben stât ein lastwagen mit rûhen hiuten der treit zweinzic unde driu
hundert hiute oder mêr der gît ze zolle sechzehn pfenninge .
- 6,9 ist aber minner dâr ûfe danne ein last sô gît man ie von dem hunderte vûnf
pfenninge . ist aber ir vûnvzic dâ gît man drî pfenninge von . swaz
- 6,10 aber ir minner ist danne ein halp hundert dâ gît man zwêne pfenninge von
unze an ein vierteil . minner danne ein vierteil gît einen pfenninc .
- 6,11 ist aber niuwan einigiu hût dâ diu gît einen helbelinc . ein karre mit
rûhen hiuten daz selbe als ez geziuhet mit rechter reitunge . von iegelîcher
gelederten
- 6,12 hiute einen helbelinc die man in soumes wîse niht en vüeret . von eineme
iegelîchen soume truckenes oder nazzes ûf rossen ûf wagenen oder
- 6,13 ûf karren einen helbelinc . ez sî kurdewân oder ander guot . vüeret aber
ein man bereitschaft in sîneme guote der gît niht dâ von man sage ez dem
zolzær oder
- 6,14 niht . swaz wahses ist daz man bî dem soume niht ûf gedinget hât von der
wâge einen pfenninc . von unslite unde von smerwe daz man bî

- 6,15 dem soume niht ûf gedinget hât von iegelîcher wâge einen helbelinc . swaz
man honiges in soumes wîse her in vüeret dâ gît man von dem soume
6,16 einen helbelinc . ein wagen mit honige zwêne pfenninge . ein karre mit
honige einen pfenninc . ist aber niht wan ein einber dâ der gît
6,17 einen helbelinc . swaz ein man lîn wâte treit der über vûnviz ellen ist der
gît dâ von einen helbelinc . minner gît niht . ein wagen mit lîn wâte
6,18 zwêne pfenninge . ein karre mit lîn wâte einen pfenninc er trage lützel oder
vile . treit ein geladen karre lîn wât wolle garn vlachs hüener
6,19 kâse oder eier oder mit swiu er geladen ist âne hiute unde âne salz unde
âne wîn der gît einen pfenninc ist ez aber ein wagen der gît
6,20 zwêne pfenninge von zweinzic ellen grobes tuoche die ein man treit ûf
sîneme rûgge oder swaz er ûf sîneme rûgge treit der gît dâ von einen
6,21 helbelinc . minner danne zweinzic ellen gît niht . treit ein wagen oder ein
karre einvaltige loden der gît ieweder lode einen helbelinc . treit ein
6,22 wagen îsen unde loden der gît zwêne pfenninge . ein karre der îsen unde
loden treit einen pfenninc . ein wagen mit kupfer unde swaz mêr dâ
6,23 bî lît vier pfenninge . ein karre mit kupfer unde swaz dâ bî lît zwêne
pfenninge zin unde blî daz selbe . ein wagen der zwei vuoder wînes treit
6,24 zwêne pfenninge . treit er minner einen pfenninc . lît aber ander guot bî
dem wîne sô gît der wîn einen pfenninc und der soum einen helbelinc .
6,25 ein karre wînes mit drîn rossen oder mit zwein einen pfenninc . mit eineme
rosse einen helbelinc . von mete unde von biere daz selbe
6,26 ein wagen mit heringe zwêne pfenninge . ein karre mit heringe einen
pfenninc . ist aber niuwan ein meise dâ diu gît einen helbelinc .
6,27 ein wagen mit korne einen pfenninc . der karre einen helbelinc . ein wagen
mit höuwe einen pfenninc . der karre einen helbelinc ein
6,28 vuoder kornes in den garben einen pfenninc . der karre einen helbelinc .
ein wagen mit schouben einen pfenninc . der karre einen helbelinc .
6,29 ein wagen mit strôwe einen helbelinc . der karre einen helbelinc . ein bette
der daz treit einen helbelinc . treit aber ein armez mennische ûf
6,30 sîneme rûgge einen bolster oder ein küssen daz gît niht dâ von . ein wagen
der ein bette treit oder zwei dâ korn oder höuwe oder strô ûfe lît der
6,31 gît niuwan von dem wagene einen pfenninc der karre einen helbelinc . ein
vuoder holzes daz veile ist eine stangen . mîne hêren von dem kôre
6,32 unde die burgær die holz her in vüerent mit ire eigenen wagenen die gebent
niht dâ von . ein vuoder reife einen helbelinc . swaz ein wagen
6,33 holzes treit daz geviert ist ir sî einez oder mêr dâ gît man von einen pfenninc
. swer zimberholz hin ûz vüeret ez sîn vleben oder boume
6,34 der gît von dem wagene einen pfenninc . von dem backenkarren mit
gewande zwêne pfenninge . daz ros daz rint / der ohse / der esel . der
6,35 iegelîchez einen helbelinc . ein gemestetez swîn einen helbelinc . zwei
mitteriu swîn einen helbelinc . vier kleiniu einen helbelinc . trîbet aber
ein
6,36 man niuwan ein einigez der gît ouch einen helbelinc . von zehen alten
schâfen einen pfenninc . von zweinzic lebern einen pfenninc . ein wagen
6,37 mit lebern einen pfenninc . der karre einen helbelinc . ein iegelich bache
einen helbelinc nâch genâden . ein wagen mit rindes buchen

- 6,38 einen pfenninc . der karre einen helbelinc . ist aber niuwan ein rindes buch
dâ der gît einen helbelinc . ein wagen mit kelbern einen pfenninc .
6,39 der karre einen helbelinc ein vuoder salzes einen helbelinc . drî schiben
einen helbelinc . ein mülestein er sî geworht oder ungeworht einen
6,40 pfenninc . swie maniger leie dinc ein man treit ûf sîneme rügge der gît von
dem allem niuwan einen helbelinc . daz ref mit glase oder mit
6,41 köpfen einen helbelinc . der karre einen helbelinc . der wagen mit ziegel
oder mit mûrsteinen oder mit kalke den man verkoufen wile einen
6,42 pfenninc . wile aber mîner hêrren von dem kôre einer bûwen oder ein
dienstman oder ein burgær swaz der her in vüeret dachziegel sant steine
oder
6,43 swaz zuo sînem bûwe hoeret / der sol dâ von niht geben . swelich vüerer
über die brügge vüeret veilen sant oder steine / der sol geben von zweinzic
6,44 vuodern einen pfenninc . swâ aber ein man nimet sant oder fullesteine der
sîne brügge niht vert der ist im nihtes schuldic . swaz
6,45 mîne hêrren von dem kôre oder die burgær die ire jârzol gebent vihes ûf die
weide lânt die gebent dâ von nihtesniht . die aber ire jârzol
6,46 niht gebent die gebent dâ von als dâ vore geschriben stât . ein vuoder kôles
einen pfenninc . der karre einen helbelinc . ein vuoder loubes einen
6,47 pfenninc . ein vuoder latten einen pfenninc . ein vuoder stecken einen
pfenninc . ein karre der iegelîches einen helbelinc . ein vuoder obezes einen
6,48 pfenninc . der karre einen helbelinc . ein ref mit karten oder mit hopfen
einen helbelinc . ein wagen mit niuwen . kumpostbotechen unde
6,49 swaz dâ bî lît âne hiute unde âne söume einen pfenninc . ist aber niuwan ein
bûtegîn dâ daz gît einen helbelinc . ein karre mit niuwen kumpostbotechen
6,50 einen helbelinc . ein vuoder seile einen pfenninc . der karre einen helbelinc
. ein wagen mit krûte einen pfenninc . der karre
6,51 einen helbelinc . ein wagen mit lôwe einen pfenninc . der karre einen
helbelinc ein vuoder wannen einen pfenninc . der karre einen
6,52 helbelinc . ein niuwiu kiste einen helbelinc . treit aber ein wagen mêr kisten
danne eine der gît einen pfenninc der karre einen helbelinc .
6,53 von hundert schâfvellen si sîn geworht oder ungeworht die man in soumes
wise niht en vüeret zwêne pfenninge . minner danne ein hundert
6,54 einen pfenninc . von hundert kalpvellen si sîn geworht oder ungeworht
einen pfenninc minner einen helbelinc ein wagen mit kæseboren
6,55 einen pfenninc . der karre einen helbelinc . von lampvellen swaz ûf einen
soun geziuhet einen helbelinc minner einen helbelinc
6,56 ein wagen mit groben bretern einen pfenninc . der karre einen helbelinc .
ein wagen mit hevenen oder mit kacheln einen pfenninc
6,57 der karre einen helbelinc . ein wagen mit trôgen oder mit slegeln oder mit
hakbretern einen pfenninc . der karre einen helbelinc
6,58 swer überlasten an die brügge vert âne vrâge / nimet der schaden der schade
ist sîn . vrâget aber er den brüggeheien unde heizet er in
6,59 varn missegât im danne den schaden sol er im abe tuon . ze eineme rechten
laste sol diu brügge alle wege bereite sîn swaz man her in vloehenet
6,60 von betten von kisten von gewande von vihe dâ en sol man keinen zol von
geben weder ûz noch in . swaz ein man her in vüeret daz er ze einem

- 6,61 mîle verzollet unde unverwendet ist daz sol er niht mêt verzollen ob er ez
wider ûz vüeret vüeret aber ein burgær sîn guot ûz der stat ûf einen
6,62 market unde verzollet daz ze der brügge / daz sol er niht mêt verzollen ob
er ez unverkoufet her wider in vüeret . swaz man an vihes hin ûz
6,63 lât ûf die weide daz man hin ûz zollet / daz sol man her wider in niht zollen
. von vier zîtic böcken einen pfenninc . minner einen pfenninc .
6,64 ist aber ir niuwan einer der gît einen helbelinc . sehs geize einen pfenninc
. drî einen helbelinc . minner einen helbelinc . ein
6,65 wagen mit krâmgewande der ûf einen jârmarket vert zwêne pfenninge . der
karre einen pfenninc . ein wagen mit vischen einen pfenninc .
6,66 der karre einen helbelinc . ez en sol ouch kein snitær von keinem sîneme
lône daz er dâ ûze verdient hât keinen zol geben / ez lige
6,67 ûf wagenen oder ûf karren oder er trage ez ûf sîneme rügge swaz ein armez
mennische treit ûf sîneme rügge ez sî korn mel oder klîwe / daz gît
6,68 niht dâ von . ein iegelich burgær von sînem walhischen koufschatze der ein
koufman ist der sol geben von sînem walhischen koufschatze unde swaz er
6,69 dâr umbe her wider bringet ein halp pfunt pfeffers ze jârzolle gât aber er
mit anderm koufschatze umbe swie maniger hande dinc daz ist der sol
6,70 zollen als dâ vore geschriben stât . ist aber ein ander burgær der gein Venedie
niht vert unde gein Vrancriche vert der korngülte hât und daz her
6,71 in vüeret unde höuwe / oder swaz er her in vüeret der sol ouch geben ein
halp pfunt pfeffers ze jârzolle . unde der kôrhêrre zwô gense unde der
6,72 vleischheckel zwei bein unde sulen dâ mit ledic sîn . ez sol ouch der
brüggeheie machen brügge unde stege über die Wertach unde über
6,73 den Höttenbach über unde über . vervüeret aber ieman dem brüggeheien
sînen zol . swâ er ûf daz guot kumet dâ ist daz guot sîn nâch genâden
6,74 unde sol er im den zol geben den er im gegeben solte hân . unde daz der
zol als dâ vore geschriben stât hinnenvüre alsô stæte belîbe . wan er mit
6,75 des kapitels râte unde ouch mit der burgær râte gesetzet ist als von alter her
reht ist gewesen . unde ouch kein irresal werde hinnenvüre
6,76 an dem selben zolle noch kein zwîvel . unde ouch weder Herman der
brüggeheie noch kein sîn nâchkome hinnenvüre keinen zol neme
6,77 wan als dâ vore geschriben stât . dâr umbe haben wir bischov Hartman mit
unsers kapitels râte disen brief über die brügge heizen geschriben /
6,78 versigelt unde gevestenet mit unserm insigel unde mit unsers kapitels
insigel . unde mit der stat insigel ze Augsburc diu alliu
6,79 dâr an hangent . unde setzen ouch daz swelich brüggeheie daz brichet daz
er niht en nimet den zol als dâ vore geschriben stât / daz uns der
6,80 schuldic ist ze buoze eines pfundes Augsburgær pfenninge als dicke sô er
ez brichet . dô dirre brief gegeben wart dô was von gotes
6,81 gebürte tûsent jâr zwei hundert jâr / in dem andern unde ahtzigesten jâre
/ in dem mânôt Juliô in der næhesten wochen nâch sancte Jakobs tage .
- 7,1 – – – âmên . alle die die disen brief lesent . hoerent oder sehent die sulen
daz wizzen / sôgetân krieg als was zwischen den hêrren
7,2 von sancte Moritzen unde den râtgeben und der stat ze Augsburc / umbe
den bû den die burgær ûf den kornmarket gebûwen

- 7,3 hânt / daz daz beidenthalp mit guotem willen unde ouch mit guotem râte
gelâzen wart an hêrrn Degenhart von Hælenstein
- 7,4 kôrhêrrn von Augsburc unde an hêrrn Heinrich den Schôngouwær / unde
an hêrrn Volcwin den alten / unde schieden die daz alsô
- 7,5 daz der bû den die burgær getân hânt / ûf den kornmarket / daz der stân
sol unde belîben sol als si in gebûwen hânt / und daz si
- 7,6 des geniezen sulen swaz si mûgent / daz si des die hêrrn von sancte
Moritzen niht irren sulen . unde sulen ouch die burgær den bû
- 7,7 niht hôher rihten noch niht wîter wan als er iezuo ist . noch gein dem
wagene niht vûrebaz varn wan als daz trouf vellet .
- 7,8 unde alsô ez iezuo gerihtet ist . unde sol ouch mit ziegeln gedecket sîn .
unde sulen ouch die burgær an den selben bû keine
- 7,9 want machen noch kein ander sloz / wan als ez iezuo stât / dâ wider sulen
die hêrrn von sancte Moritzen brechen durch ire
- 7,10 mûre niderhalp sancte Servazien kappelln gein der strâze / gedemer / unze
an die egge gein dem wagene / daz si des ouch
- 7,11 nieman irren sol / si sulen sîn geniezen swaz si mûgen . wolte aber in daz
ieman wern / des sulen si die burgær schirmen
- 7,12 als verre si mûgen . unde sulen ouch si ûzerhalben der mûre niht bûwen /
noch keinen gewalt haben wan eines schuohe
- 7,13 wîte durch des undern laden willen . unde swaz si bûwent obene / ob si
lîhte über die mûre grîfen wolten / zwêne schuohe
- 7,14 oder drî / daz sol in der hoehen sîn daz man dâr under gerîten mûge unde
gân / daz ez iht irre . unde swenne ez kumet ze dem
- 7,15 ôstermarkete sô sol man hütten ûf den kornmarket / unde an die mûre swâ
man wile als diu schranne gereicht mit
- 7,16 tüechern unde mit blahen / daz daz nieman wern sol / âne vûre diu gedemer
diu die hêrrn von sancte Moritzen durch die
- 7,17 mûre brechent / dâ sol man si vore niht niemer durch daz jâr . unde swaz
in den selben gedemern stât durch
- 7,18 daz jâr der mac ze dem ôstermarkete dâr inne veile haben swaz er wile .
gewant unde ander dinc . unde sol ouch ir decheiner
- 7,19 ze der selben zît keinen gast dâr inne lâzen stân . unde swaz die hêrrn von
sancte Moritzen vore iren gademern des
- 7,20 weges beschûten wellent als si sîn bedurfent / des sol man si niht irren / si
sulen ouch vore iren gedemern keinen
- 7,21 zûber setzen / noch niht des dâ mit si die strâze irren . swaz aber si hinder
sich grîfen wellent des sol man in wole
- 7,22 gûnnen . unde daz daz beidenthalp alsô stæte belîbe unde unzerbrochen
dâr umbe hât man gegeben disen brief / versigelt
- 7,23 unde gevestenet mit unsers hêrrn insigel bischoves Hartmannes von
Augsburc / unde mit des kapitels insigel von
- 7,24 sancte Moritzen diu beidiu dâr an hangent . unde sint dâr über geziuge .
hêrr Degenhart von HÊlenstein kôrhêrre von unser
- 7,25 vrouwen . hêrr Berhtolt der tÊchan von sancte Moritzen . hêrr Kuonrât
der liutpriester . hêrr Uolrîch der kuster . hêrr Jakop . hêrr Sîbôt
- 7,26 der kelnær . hêrr Wernher der schuolmeister . hêrr Berhtolt Griuzlîn . hêrr
Uolrîch . hêrr Berhtolt . unde hêrr Kuonrât . kôrhêrrn

- 7,27 von sancte Moritzen . hêrr Berhtolt von Mûlehûsen der voget von Augsburc
 . hêrr Heinrîch . hêrr Sîbôt . unde hêrr Johannes die
 7,28 drî Schôngouwær . hêrr Sîbôt der Stolzehirz . hêrr Uolrîch Vundan .
 meister Kuonrât von Schoenegge . hêrr Kuonrât Reinbôt .
 7,29 hêrr Kuonrât der Untalær . hêrr Herbort . hêrr Hartman der Langemantel
 . hêrr Otto der Hurloher . hêrr Kuonrât der lange
 7,30 hêrr Kuonrât der Hurloher . unde ander genuoge . dô daz geschach / unde
 ouch dirre brieve gegeben wart / dâ wâren von gotes
 7,31 gebûrte tûsent jâr . zwei hundert jâr / in dem andern unde ahtzigesten jâre
 / an sancte Clementen tage .
- 8,1 in nomine domini âmên . alle die die disen brieve lesent hoerent oder
 sehent die sulen daz wîzen / daz hêrr Uolrîches Frounengeln tohterman
 verkoufete hêrrn Kuonrât
 8,2 dem havenær einen halben garten mit sôgetâner bescheidenheit / daz der
 hêrr Kuonrât der havenær ûf den selben halben garten weder zûn / noch
 hûs bûwen
 8,3 solte / noch decheinen bû dâr ûf tuon solte der im ze schaden kômen mohte
 . daz stuont als lange / unz der hêrr Kuonrât der havenær dar vuor unde
 wolte
 8,4 geziunet haben den selben garten . dô des hêrr Uolrîch innen wart / dô
 vuor er vûre gerichte . unde klagete hin ze dem havenær daz er dâ ziunen
 wolte
 8,5 dâ er ez niht tuon solte wande er ez mit gedingede im alsô gegeben hête /
 daz er weder zûn noch hûs / dâ bûwen solte / noch nihtes des / daz im
 8,6 ze schaden kômen mohte . des lougenete im der havenær / daz er mit im
 alsô iht gekoufet hête . dâr ûber wart erteilt / daz der havenær bereitte /
 8,7 daz er mit im alsô iht gekoufet hête / in beziugte danne hêrr Uolrîch daz ez
 alsô wære . dâ wolte hêrr Uolrîch sînes rehtes niht umbe / unde
 8,8 gerte eines tages umbe sînen geziuc . dô der tac kôme dô gie hêrr Uolrîch
 vûre / unde erziugte selbe dritte als reht was . daz er ûf den
 8,9 selben garten kein den bû tuon solte der im ze schaden kômen mohte als
 dâ vore geschriben stât / unde dô er daz erziugte / dô gerte er
 8,10 urteile wande die liute tâtliche wæren unde ouch vergæzzen / man solte im
 wole der stat brieve dâr ûber geben . daz wart im erteilt mit
 8,11 gesameneter urteile . unde dâ von daz zwischen in kein krieg mêr gewahsen
 mûge umbe die sache / dâr umbe wart gegeben dirre
 8,12 brieve versigelt mit der stat insigel ze Augsburc daz dâr an hanget . unde
 sint des geziuge hêrr Volcwin . hêrr Sîbôt der Stolzehirz . hêrr
 8,13 Uolrîch Fundan . hêrr Liutbalt der schrôtær hêrr Liutbalt der Stolzehirz .
 hêrr Kuonrât Reinbôt . meister Kuonrât von Schoenegge . hêrr
 8,14 Kuonrât Nôtkouf . hêrr Kuonrât der Bart / unde ander genuoge . dô daz
 geschach unde ouch dirre brieve gegeben wart / dô was von
 8,15 gotes gebûrte . tûsent jâr . zwei hundert jâr . in dem niun unde
 sibenzigsten jâre / an dem sunnentage vore dem palmetage .
- 9,1 – – – âmên . ich Heinrîch der Schôngouwær burgær von Augsburc tuon
 kunt allen den die disen brieve lesent hoerent

- 9,2 oder sehent / sôgetân eigenschaft unde ich hête an dem hove dâ ze
Holzhûsen / dâ meier Niuwekomen ûfe gesezzen ist / unde
9,3 an der holzmarke die ich dâ hân / diu beidiu mîn reht eigen wâren / unde
ouch mîner wirtinne vrouwen Angnesen morgengâbe wâren
9,4 daz ich diu beidiu verkoufet hân / mit mîner wirtinne willen vrouwen
Angnesen unde mit ire worte . unde hân si gegeben Johannese mînem
9,5 bruoder unde sînen erben umbe vûnf und drîzic pfunt Ougesburgær
pfenninge / in allem dem rehte als ich si her brâht hân / mit
9,6 nutze unde mit gewer / in rehter eigenschefte /. unde sol ouch der selben
zweier guote sîn rehter gewer sîn . alsô / daz si im unde
9,7 sînen erben gestætet werden nâch des landes rehte . dâr zuo verjihe ich /
Angnes hêrrn Heinrîches wirtinne des Schôngouwærs / daz
9,8 ich den vore genanten hov / unde ouch die holzmarke / hân ûf gegeben
vore biderben liuten / unde hân des gesworen ze den heiligen / daz
9,9 ich die selben morgengâbe niemer an gesprechen sol . wan ich ir mich
verzigen hân nâch dirre stat rehte / ûf Johannesen
9,10 mînen geswigen unde ûf sîn erben . unde daz Johannesen unde sînen erben
daz alsô stæte belîbe unde unzerbrochen / dâr umbe
9,11 hân ich im gegeben disen brieu / versigelt unde gevestenet mit mînem
insigel unde mit der stat insigel ze Augsburch diu beidiu
9,12 dâr an hangent . dâr über sint geziuge . hêrr Sîbôt der Stolzehirz . Sîbôt
mîn bruoder . Uolrîch Fundan . Sebastian . Heinrîch Illetis .
9,13 Sîbôt der junge Stolzehirz . Kuonrât Ortwin . Uolrîch von Geggingen .
unde ander genuoge . dô daz geschach unde ouch dirre
9,14 brieu gegeben wart / dô wâren von gotes gebürte tûsent jâr / zwei hundert
jâr / in dem vûnften unde ahtzigsten jâre
9,15 an unserr vrouwen âbende ze der liehtmesse .